

**MONDOLIRANG BAK CHIKUNGNI
BAK SAKO ON-ANI NIAMKO JAKKALARA
KRAAMA KRAJA ?**

F. W. Harding, B. A.

**TURA BOOK ROOM
TURA - 794002, WEST GARO HILLS,
MEGHALAYA.**



Mandeni man'gimin tangka ba mimisi ba gipin bosturantoniko Isolna pakwatgimin bak chikungni bak sako dosomangso ba bak chikungni baksa minga. Mondolini korosna aro procharokrangko alduna badiaba mondolirang bak chikungni bak sako jakkalronga, indiba darangba uko jakkalja. A'chik songo ba gipin a songrango donggipa Kristianrang baditana kingking iako kakket ong'e jakkalenga anga u'ija, maina hisab ba gipin mesokanirang dongja. Indiba da'ororo adita bang'a Kristianrang uko jakkalenga, aro skangna bate bang'bata uko jakkalenga ine aganna man'a.

Bak chikungni bak sako on'ani itihasko chanchode, uni mangsonga, uni nanganirang aro uni chu'sokgjanirangko u'ina man'gen. Iako dakode an'ching iarangko nikna man'gen :

- (1) Ia dakbewalko ong'atchenggipa Jihudi jat ong'ja
- (2) Jihudirang uko jakkaloba bon'kamao uchin jagidotako man'aha.
- (3) Jisu ia dakbewalko manengjachimoba uko miteljachim.
- (4) Ong'chenggipa mondolirang uko jakkaljachim.
- (5) Ja'manogipa mondolirang brangangon uko niam gita tik kaaha.
- (6) Isolni kamna nambatgipa gilani chol dong'skaa.
- (1) Ia dakbewalko ong'atchenggipa Jihudi jat ong'ja.

Bak chikungni bak sako on'ani nabachengani gimin an'ching tale u'ija, indiba Abrahamna skang ruutbeon Babylonrang aro Misorrang uko jakkalaha, aro una agre Assyriarang, Chinrang, Phenekiarang, Greekrang aro Romerangba uko jakkalaha ine u'la. A'bachengao dakgrikao amgiminrangoniko giticham jatrangni rajarangara bak chikungni bak

sako ra'draaha, ba rajarang uko kajina gita uarangi raiot-tangtanganiko gilrongaha. Raja miteni pal eng gipa onga ine ong'chenggipa manderang chanchani gimin rajana bak chikungni bak sako on'aniara miteko olakiani bidirg onggipa ong'naba donga.

Moseni salna skang Ibri manderang ia dakbewalko gipin gitcharibatgipa jatskaranganiko ra'gutaha. Chubatgipa Isolni kamal Saleمني raja Melkisedekna Abraham bak chikungni bak sako on'aha (A'ba. 14 : 18 - 20). aro Bethelo Esauoni katmitingo Jakob pilak man'giminoniko Isolna bak chikungni bak sako on gen ine kur'achakaha. (A ba. 28 : 22).

(2) *Jihudirang uko jakkaloba bon'kamao uchin jagidatoko man-aha.*

Moseni ja mano bak chikungni bak sako on'ani teromni kajanako on'ani gita ong'bauha (Amos 4 : 4). " A ani bit-chironi ong chong, bolni biteoni ong chong " bak chikungni bak sako ra aha, aro uandakeba " watchu jinnaoni ba mes do'bok jakoni monggotni ningo re'gipani bak chikungni bak sa pilakan Jihovaona rongtalgipa " ong'aha (Lev 27 : 30 - 32). Deuteronomy 14 : 22-29 aro 12 . 17-19 o sea gita ia bak chikungni bak sako bilsiantio on e, uko Jerusalemona ra'angaha ; aro uno, toromni biding alako dake Jihovani mikkango cha aha. Jerusalem agre chelode aro uko ra angna amjaode, indide uko tangkana pale Jerusalemona tangkako ra'angskana nangaha. Bils gittamprako ia bak chikungni bak sako songtango rakie, man'rikaniko man'pagijagipa Levi manderangna, songdongpaagiparangna, pagrigiparangna aro segrigiparangna cha'na on'na nangachim.

Manderangni nangani kri iani ja mano ia niamko adita dingtangataha. Skango Levi manderang bak man'pagiparansan ong'aha, indiba ja'mano pilak bak chikungni bak sako Levi manderangna on tokaha. Ia on giminoniko Levi manderang kamalrangna bak chikungni bak sako on'na nangskaachim (Chan. 18 : 21-26 ; Neh. 10 : 27-28). Indakmiting somoirango, indakgipa obosta ongmitingon, aro indakgipa manderangna, ia bak chikungni bak sako on'ani dakbewalara namakonchim, maina uchin mangsonggimin dakna nanggniko chusokatna man'aha.

Babylon a'songo rimgitangaoni, jakgitel ong'e, Palestine a'songona pilbaa intalan, chong'motan Persiani ning'o aro

Makkabeanrangni sonoi ong'mningo, Moseni niamko manderang apre duga dal'nikaha aro Saddukeerang aro Phariseerangni dolrang dal'oroangengachim. Ua somoio Jihudirang toloi ni bidingo gipin dakna nanggnirang baksa ia bak chikungni bak sako on'amko mandugaaha. Ka'saana bate niamko niamaniko gamchiatnikbatachim. Indiba iani biteara *spiritual life*, ba gisikni an saonni komiroroangengani gimin ong'achim.

(c) *Jisu ia dakbewalko manengjachimoba ua uko miteljachim.*

Jisu Kristo a'gilsako atchion, Pnar seerang bak chikungni bak sako on'ani gimia tikkelbeachim. Indiba manderangni ning'ogipa mangsorgako u'igipa Jisuara uamang an tangtangko aro mandeskako ia kamchi maikai jagidotatenga tale nikaha. Jisu uamangko manengaha. Uamang an tangtangni babilsirango song'na jakkalionggipa chongipa moslatangni, podina, guamon aro jiani bak chikungni bak sako on'na simsak-beanaoba, uamang niamni jirabatgiparango, "chong'motan bihal aro ka saenaka aro belet'ako wataha." "Mikgri dil-gipatang ' na'sunang gangguako cheke gala muba utko amola" ine agane Jisu uamangko manengaha (Moti 23 : 23-24). Gipin salo an'tango ka'donge gipinrangko chonnik-gipa Phariisee saksani Isolo biani baksa an'tangko onatgipa saksu ka jana gilgipani Isolo biano tosusaa. Ia Phariisee Isolko miteltha maina ua an'tangan gipinang gita ong'achim, ua antiprako chenggn okumu chakaha, ua pilak man'aoni bak chikungni bak sako on'rongaha. Indakgipa ong'oba Jisu uko miteljaha, batesa ia Phariiseeni cha chipilaniko parakataha. (Luk 18 : 9-14.)

Jisu pangnaba bak chikungni bak sako on'aniko matnang-jachim indiba ua uko pangnaba miteljachim. Ua uni nainako chusokatani bilko u'ioa uni jagidotani bilkoba u'idapachim. Bak chikungni bak sa Isolin ong'ode, bak chikungni bak sku angnin onga ine inanio jagidotani gnang. Jeko dakna ska jena koros ka'na ska, ua bak chikungni bak sani on'spa, ba bak chikungni bak skuko, nokgipa dakna man'a ine chanchisretaniko bak chikungni bak sako on'aniara naatgipa onga ine Jisu u'ia. Ua dakani Moseni niamni biding ong'gipa ong'oba, uan Kristian toromni jakgitel ong'ani biding ong'gipa ongja. Uan niamni oikorni biding onga, janggi tangatgipa

Gisikni bidingo ong'ja. Uan Jihudi toromni sengmitchimitchianisan ong'a, indiba Kristan toron ni salni nabasrangani ong'ja. Aro iako Jisu uraha.

(4) *Ong chenggipa mondolirang bak chikungni bak sako on'ani niam dongjachim*

Jisu an'tangan bak chikungni bak sako on'aniko namnike didiatgipa ong'aha de, indide ong'chenggipa Kristanrang na niamko jarikpagenchim. Indiba ong'chenggipa mondolirang indakgipa niamko donachim ine mesokna saki gni. Batesa una bate nambatgipa cholko ua skanggipa mondolirang jak-kalaha ine mesokna saki dongska. Jihudirangni bak chikungni bak sako on'anina Jerusalem donggipa toron nokara bijatchigipa ong'a. Indiba ong'chengao Kristan toromna indakgipa bijatchigipa grichim.

(5) *Ja'ma'egipa mondolirang brangangon bak chikungni bak sako on'aniko niam gita tik ka'aha.*

Europeo, bilsi 800 A.D. na skang ruutgjaon, Kristian mondolirang ia bak chikungni bak sako on'ani niamko gitcham Jihudirangni niamrangoniko ra'gate tik ka'aha. Ia bak chikungni bak sako pilani a sclara, mondolirangni memborrang chu'ongako on'jaengani gimin. maika skotonggipa pamongrangko (bishoprang), ramram pamongrangko rakina, aro mondolini korosna aro kangaliangna nanga gita on'na man'gen indake ong'achim. Trent songjinmao dal'gipa Melanirango (1546-1564 A.D) daggimin niamrangni gisepo mingsa niamaraian, jerangan bak chikungni bak sako on'ja uamangko a'palgalna nanga. Indiba ua salo mondolirango ong'chongmotgipa toron siangengachim, aro mondoli a gilsakko sason ka'ani biding ong'gipa ong baskaengachim. Mondolirang Jisuni mangsonga aro uni skianioni bate bate ekangroroengachim

England a'songo donggipa mondolirangni gilani mongsongbatgipa chol bak chikungni bak sako gilani niam ong'baengachim. Mondoliprakni elakao (parish) donggipa pilak a'arangni bak chikungni bak sako kajana gita mondolirang ra'aha; chong'motan, a'aoni pilak cha'gipa bosturang, gurerangni mat-churangni, mesrangni dugiminoni, aro na'tok rim ani labko man'giminoniko mondoli bak chikungni bak sako ra'aha. In-

diba ia mondolirangba Jisu Kristo^{an}ni ekanggipa ong e iarangko dakengachim.

Ua sal intaltal da ona kingking mondolirangni gisepo badiaba mondolirang nianiko tik ka ate, bak chikungni bak sako gilanihi pamongrangko alduaha, procharokrangko rakiaha aro pilak gipin nangnirangni korosko man'aha. Indiba jeoba, je mondolian bak chikungni bak sako on'ani niamko tik ka'ataha, ua mondoli an'tangan uachi jagidota-taniko man'aha. Maina Isolna ong'giminrang kusi ong e, jakgitel ong'e, dragija on'ani ong'ani pal mondoli bak chikungni bak sako on'ani niamko donanlara draatani gita ong'ariaha. Isolna on'aniko kajinako on ani biding gitasan ong'ataraha. Kristian mondoli bak chikungni bak sako on ani niamko tik ka'ode, ua kam gital draka bitchiko gitcam bigilni hasing-rango donani baksa apsan dakan ong'a. (Moti 9: 17). Ian jagidotani ong'chongmota. Aro maikai A'chik mondolirang ia jagidotaoniko an'tangtangko rakina man gen, uamangara bak chikungni bak sako on'aniko niam gita dakjachina.

(6) *Isolni kamna nambar'gipa gilani chol dongska.*

Bak chikungni bak sako on'ani niamko donatani pal Jisu Kristoni aro ong chenggipa mondolirangni tangka gilani cholko ragatskabo ine anga A'chik mondolirango molmolbea. Angna ia cholko janapna on'bo.

Kristian mande Isolni gamni pamong ong'a. Gamni pamongni jako gnanganu uni nokgipani ong'a. Uandake Kristian sakantini pilak gnanganu uni Gitelni ong'a. Ua uni gnanganiko an'tangni Gitelna agane on'na nanggipa bebegipa gamni pamong gita jakkalna nanga. Kristian sakanti an-tangan Isolni gamni pamong ong'a ine chanchina. An'chingni jako gnangaoniko Isolna bak chikungni bak sako on'na nanga ine chanchiani pal, an'chingni jako pilak gnanganu angni Gitelni ong'sranga ine chanchiatskagen. An'chinga ua gamni ong'chenggipa nokgipa ong'ja, uan Isolsa. Ango je bilrang, je changanirang, je u'ianirang, je cholrang, je man'giminrang aro an'tangni janggiba, iarang pilakan angna Isolni ka sae on'anirang ong'a. Ian chanchichipanisan ba toe agananisan ong'ja. Ian ong'chongmotani ong'a. Isolni bil aro ka'sara griode, an'ching saksaba changsaba rangsitna amjawachim; aro jeko dakoba an'chinga saksaba an'tangtangni

janggi tangani bilsiko mik saba batatna amja. An'chingna kam ka'na aro gamko ran'atna gita bilko on'gipa Isolan

An'chinga Isolni gamni panongra gong'a ine Jisu an'tangan skiaha, chongmotan, Monako Man'gipa Nokolrangni gimin aro Bebegipa Nokolni gimin toe agananrangchi mesokaha (Moti 25 : 14-30 ; Luk 12 : 41-48).

Jisuniskia baksa Paulniba meligrikaha An'tango pilak gnangani Jisunin ong'srangaha ine Paul chanaha. Ua an'tangko Jisuni nokol ine piln'pil mingaha. Uororo nokol gam'gnang-gipa ong'ja, uni jako gnangan dongode, ua gnanagan uni nok-gipaniisan ong'achim. "Anga je ong'a Isolni ka'saachi anga uan ong'a" (1 Kor. 15 : 10), "Angna tangara Kristo" inc ingipa kattarangchi Paul an'tangan Isolnin ong'sianga ine mesokataha. Gam ong'bo, bil ong'bo, changani, sapani ba u'iani ong'bo, aroba janggi tangani ong'bo, iarangni gimin Paul Jisu Kristoni gamni pamong gita ong'a.

Ong chenggipa Kristianrangni dakanu ang Ji'uni aro Paulni skia baksa meligrikaha, Uamang bak chikungni bak sani pamongrang ong'ja, indiba bak chikungni bak chikungni ba donggimin gimikni pamongrang ong'ba'kaaha. Ong chenggipa Kristianrang an'chingna mesoke on'ani gita ong'a. Uaniangni gimin iako Wat. 4 : 32, 35 o seaha :

"Aro bebera'gipa jinma gisikan aro janggisanchim, aro saksaba gamtangko angnin ine injachim, indiba uamang pilakkon dondimachim **** a'arang ba nokrang gnanggiparang pilakan uaranko pale palani damrangko ra'bae watatarangni jako donachim, aro nanga gita sakanntina suale on'achim."

Iako dakna nanga ine mondolini niam grichim, indiba ia Kristianrang ka'sagrikaha aro sakprakan an'tangko aro antangni pilak man'gimin Isolni ong'a ine chanani giminsan uandake dakaha.

Jako gnangan pilukan Isolnin, an'chinga Isolni gamni pamongsa ine chanchiani maio pangchakchong'mota ? Uni pangchakchongmotani ian, An'chinga an'tangtangnin ong'ja, indiba an'chingko rakbegipa damchi breaha, chongmotan Jisu Kristoni an'chichi breaha (1 Kor. 6 : 20). 1 Pitor 1 : 18 o iako seaha : "Maina pagitchamrangoni ong'gimin na'simang ong'gramai-gipa' dakrongaoni so'gnirang rupa sonachi ong'ja, indiba ong'-

sigija, simteka grigipa mes bi'fani gita, Kristoni gam'chatgipa an'chichi na'simangko piokaha." Isolna Kristianrangni on-gnirangko on'ani a selara Moseni Niamo pangchakja, indiba Jisu Kristoni chisolo pangchakchong'mota. Jisu an'chingko piokna an'tangko on'chakani gimin an'chinga una on'ani-rangko on'skaa. Ua an'chingna ka'sachengahani gimin an'ching una ka'saskaa. Jekai Paul Korintherangna seaha, an'ching Kristianrangni Isolna on'anangrangko on'ani pangchakanara ian : " Kristoni ka'sara an'chingko draata, maina an'chinga iako chanchie niaha, saksu pilakni gimin siaha, uni gimin pilakan siaha, aro ua pilakni gimin siaha, tanggiparang maikai an'tangtangna tangjwaha, indiba uamangni gimin sigipa aro chakatpilgipana tanggen " (2 Kor. 5 : 14 - 15)

Isolna anga badita on'ode kragen, maikai l'olangu on'auanko chu'ongniken ? Bak chikungni bak sa chu'ongama ? Indake sing'ani pal ong'chongmotgipa Kristian mande iako agane sing'skagen : Ango g'anggipa pilakan Isolnin onga. Ia man'giminoniko cha na ringna, ganding chindingna mitam koros ka'na ranga indiba ia korosna badita kraa, maikai anga, mikbokgipa ong'gija, Isolni songnokko gip'rootna kraa gita aro chu'onga gita on'pana man'gen ? Jihudi mande bak chikungni bak sakosan chanchiarachim, indiba Kristian mande Isolna uni gro nanggimin badita dal'a aro uan marongpile chotna ampilgijagipa gro ong'a uko chanchiskaa.

Ong'chenggipa mondolirangni pamongrangko alduna, procharok-rangko rakna, mondolini korosna tangka gilani rokom mai ? Uamangni chol ian :

"Jajrenga gita ba nanga gita ong'gija, sakanti ka'tongtangtango mangsonga gita on'china, maina Isol ka'sroke on'gipana ka'sara " (2 Kor. 9 : 7). " Antini skanggipa salo, na'simangoni sakanti man'atangtang gita, an'tangni sepango chimonge, donchina " (1 Kor. 16 : 2).

Ia on'ani rokomko an'chinga chanchie nina hai.

(a) "*Jajrenga gita ba nanga gita ong'gija, sakanti ka'tongtangtango mangsonga gita on'china.*" Bak chikungni bak sako on'na nanga ine mondolini geetani ba niam grisrang ine u'ibo, indiba "nanga gita ong'gija, sakanti ka'tongtangtango mangsonga gita on'china " ine talsrange semanaha. Kristian manderang

baditana kingking, ba badia bakko on'na nanga, mondoli niamko tik ka'atna bil grisrang ine u'ibo. Mande sakanti "ka'tongtangtango mangsonga gita on'china" ine mondolini niam ong'na nanga. Mondoli on'anirangko maiha niamchi ra'draode, kusi ong'e, jakgitel ong'e, dragija on'aniko cham-pengani a'selo dongenga. Mondolini niamni draatanichi bang bea on'anirangko gilana bate kusi ong'e, jakgitel ong'e, dragija on'anirang, bang jaoba indakarang nam'en nambata aro Isolni nikao cholibata. Iako bang a manderang bebera'-jawakon. Indiba uamang uko bebera'bo, bebera'jabo, uan beben ong'a. Isolara ra dragimin kajanarangko uni dedrang-oniko man'na sikja. Isol uni dedrangoniko kusi ong'e, jajrenga gris, ka'sao on'giminrangko man'na skenga.

Mondolini membor sakantini on'ani badita ong'na nanga, uko mondolini chanchiani pal ong'ja. Indiba ian membor sakantini skasanba ong'srangja. Membor sakanti, Isolni namukako tikkele am'e, aro un baksa nangrimanio, iako nam'en chanchina nanga, maikai uni kraa on'ani badita ong'na nanga u'ina man'gen. Mondoli ian gimni niamko dakna nangjasrang, maina gisikni dingtangatna ampilgijagipa, pilakko mik kang nigijagipa Isolni niam dongchong'mota. Ua niamni biloni mikboke on'gipaba ong'bo aro jaksrame on'gipaba ong'bo jokna amjawa. Ua niam ian: "Banggija dake satgipa banggija dake a'gen, aro patia gita satgipa patia gita ra'gen" (2 Kor. 9: 6). "Satpriprae batroroani gnang, aro on'na nangako on'gijagipani cha'asiani gnang" (Toe Ski. 11: 24) "Jeo gnang, una on'gen, unon uni suaken; indiba jeo gri, uni gnangkoba uoniko ra'anggan" (Mati 25: 29). Je mondoli bak chikungni bak sako on'na draatani niamko donata ua mondoli sina-sienggipa ong'a ine an'tangko mesoka, aro ua mondoli uandake ra'draode bon'kamao ua mondoli sisranggipa ong'chongmot-gen.

(b) Je Isolna on'a, uko pangnan dakronga gita on'rongode nam-bata ine ong'chenggipa mondolini tik ka'gimin chol ong'achim. "Antini skanggipa salo, na'simangoni sakantian man'atang-tang gita an'tangni sepango chimonge donchina" Isolni tangkako gilani maiba gisik ding'atanio, ba maiba rang'san dakatanio, ba maiba mongsonggipa molmolanio pangchakna nangaija, indiba cha'aniko cha'ani aro ringaniko ringani gita

ong ronggipa ong na nanga. A'chik mondolirangni jakkep donaniara iako nambegipa mesokani ong a.

(c) *Batesa uan:ai gni on aniang uamangni man gimuni kri on aniang on g'na nange*, ba "n an atangtang gita" ong'na nangachim, ba Isoloni petiako man ani kri on'na nanga. "Bang'e on'ako man'gipaoniko bang ako debigen, a'o bang'e donako man gipaoniko . bang'bate biskagen" (Luk 12:48) me ingipa niamko Kristian mande charchie nichina. Kristian mande saksanti antangni man'giminoniko naiba tik ka'gimin bakko Isolna on'na skode, uan kria aro nan bea, aro gisik grangan kam ong'a. Indiba ia bak baditi ong na nanga uko mondoli tik ka'atna nangja, aroba, je bakko on'na namnika, namnikgipa antangan Kristianskana uko niam gita channa kria. Bakko on'ode, sakanti Isolni namnika aro u ia gita antangnasan ia bakko tik ka'china. Uandake saoba saoba bak chikungni bak sako on'na namnikgen, saoba saoba bak bongani bak sako on'na namnikgen, saoba saoba bak gnini bak sako on'na namnikgen, aro saoba saoba tarangna bateba on na namnikgen. Indiba je bakko on'na namnika uko on-gipanasan niam nag'a me u ibo "Nanga gita on'aja, sakanti ka'tongtangtango mangsonga gita on'china," "Sakanti man atangtang gita antangni sepango chin'onge donchina " Ian Kristian sakantina bakko on'ani niam ong'a.

Kristian mande Isolna badita on na kria aro antangna badita pokkalna kria, uko chanchimitingo, ua mite kritgiparangni kritani bidingna on'anirangni gimin bilsa sao badita korosko ka'ronga, aro ua koros ka'gimin ua kritgipani bilsantini man-giminoni mai bak ong susu nika, uko ua chanchichipchina. Kritgiparangni nute kritani biding ong'anirangna on'ana bate Kristian mande uni Isolna bang'batako on'na krachong'mota. Mitena kritgipani ka'saana bate Kristian mande Isolna ka'sabatjaode, ua mite kritgipa mande ua Kristian mandeko kratcha'ata. Aroba Kristian mande gitcam Jihudi mandeni Jihovana on'anirangni gimin chanchichina. Jihudi mande bak chikungni bak sako on'an baksa gipin on'anirahgko on-dapna nangachim, aro ia on dapaniko chanchapode, bak bongani bak sa baksa apsan ong'nasipilachim. Jihudi mande Isolni ka'saako chu'soke u'igijagipa ong'e, Isolna bak chikungni bak sana bate on'na namnikode, indide Kristian mande,

Isolni ka saako namen u'ibatgipa, Isolna mai bakko on'na kraa ? Bak chikungni bak sa ba una batakomu ?

Kangal, cha'a'igiparang on'angimin Kristiani angonisaoba saoba bak chikungni bak sako on'na mangsongna amjanaba donga. An'ching indakgiparangko bichal ka'jana. Gisik ra'bo, mane-cha'giparangni on'anirangna bate segrigipa me'chikni paisa kap sako on'ani bangbata me Jisu a'zan'ha, maina pilakan an tangtang agitchaoniko donaha, indiba ua segrigipa an'tang chu'onggijaoniko on'aha, (Mark 12:41-44). Indakgipa on'giparang mondolirango gnangpiti. Uamangni on'anirang bangjaoba, an'chingna uarangko chonnikna nangja. Jisu indakgipako chonnikjachim.

(d) *Sakanti on'na nanga* ine ong'chenggipa mondoli chanchia. Isolna on'anirangara olakiani biding ong'anirang ong'a. Isolna on'gija, an'chingni olakani chu'sokgipa ong'ja, uni gimin "sakanti ka'tongtangtango mangsonga gita," "sakanti man'atangtang gita" on'na nanga. Dal'gipaoni chon'batgipaona, bilsa batgipa intaltal bon'kamgipaona kingking, mane-cha batgipaoni kangal ong'batgipaona, mona chikungko man'gipaoni mona sako man'gipaona, pilak mondolini korosna aro Isolni songnokko giporatanina maiba dal'gipa bal ba maiba chon'gipa bal gnang, aro sakprakan uni bil gita ua balko antangni pakreo gatna nanga. Darangni bal apsan ong'ja, beben, indiba darangni bal gnang ine an'ching gisik ra'na nanga.

Bak chikungni bak sako on'ani niamko mondoli tik ka'ajjaode mondolini korosna gilgimin chu'ongjawa ine saoba saoba kenchaknaba donga. Mondolini korosko man'na gita maiba bak chikungni bak sako on'na tik ka'gimin niamo pangchakna man'ode ka'dongbatna man'gen ine indakgiparang chanchia. Indiba uamang Jisu baksa, Paul baksa, ong'chenggipa mondoli baksa chadengjaenga ine mesoka. Kusi gita, jakgitel ong'e, dragija on'aniara mondoliko mangrakata ine u'iani mesoka. Ong'chenggipa mondoliko chanchie niaibo. Ua Kristianrangni gisepe bang'batan nokolrang ong'achim, aro jerang nokolrang ong'jachim uamang kangal ong'begiparang ong'achim. Manecha'giparang bang'jasrangchim. Indiba uamangni bang'gija, man'ronggija, chu'onggijaoniko on'anirangko dondimani-chi Isolni songnokko Asia aro Europe a'songrongo giproroatna

man'aha. Iako dakani ning tuaniko Paul parapeataha, chong'-motan, "uamang skang Isolna . . . an'tangtango on'aha" (2 Kor 8 : 5) Sinai a'brioni uamang re angsrangahaa. Uamang Jisuni chisolko nikgiparang aro uni ka saani bilo tangenggiparang ong baskaaha. "Bilakgiparangko krat-cha'atna Isol a'gilsakni bilgrigiparangko seaha" (1 Kor. 2:27). Mondolio chusokgipa on'anirangko man'atna skode, bak chikungni kak sako on'ani niamko, ba uni biding niamko dadak. Uko chusokatna gita chol mingsasan dongaria, mon-dolini membor sakanti skang Isolna an'tangko on'kangchina. Ian Jisuni chisolo an'tangko on'chakani biding ong'a.

Anga Jisu Kristoni gimin maikai chanchia ? Ia sing'aniko aganchakanio anga angni Gitelna badita on'gen ine sing'ani-na aganchakani pangchaka. Jisu angni pilak man'giminni aro janggi tangani kosako angni Gitel chong'mot ine ku'rachakbe-beode, indide pilak gipinni gimin jajrengna nangja, maina ua aganchakanara pilak jajrenganirangko tom'tomate bonatgipa ong'a.

Maiba namgipa salo an ching sakprakprak Jisuni mikkango chadenggen. Un salo uni an'chingko piokani dam mairong-pile dal'achim aro dukni ong achim uko an'chingatalbateu'inaba donga. Uni gimin uni an'chingna chanchina amsokpilgijagipa ka'saako, uni kangal ong'achi an'ching maikai gnanggipa ong'gen, ua gam gnangoba, an'chingni gimin kangal ong'ahani gimin indakgipa salon ma'sibatnaba donga. Indiba indakgipa salo an'chingna maikai onngen ? Iano dongmitingo Jisuna an'chingni on'anirang kragija, mikbokgipa dake banggija on'anirangni gimin an'ching unsalo uno uni mikkango chadengon kratcha'atako manpiljawama ? Maikai unon uandake kratcha'atako manjawa an ching da'o, aro iano tangmitingon, Jisuni a'sel dakna nanggirangko bil donga dipet chusok-srange dakgiparang ong'na joton ka'na hai.

Bon'kamao skie patiani gita, angni katta ong'gija, indiba gitichambegipa ki'taponiko maiba mingsa gamchatbegipa namen gisik nangatani kattako ra'baaha, chongmotan :

"Maikai na'a . . . uni geetarangko aro uni niam-rangko aro bichal ka'anirangko rakigija nang'ni Isol Jihovako gualjawa, na'a an'tangna gisik rakbo ; ong'jaode na'a cha'e okkashaon, aro namgipa nokrangko rika,

uarango dongahaon ; aro nang'ni matchu aro do'bok jakrang bang'roroahaon, aro nang'ni rupa aro sona bang'roroahaon, aro nang'o gnanggipa pilakan bang'roroahaon ; nang'ni ka'tong dal'atako man'oa . . . nang'ni Isol Jihovako gualnaba donga ; aro biltang aro jaktangni bilrakachi antangna ia gamko man'aha ine ka'tongtango agannaba donga. Indiba na'a nang'ni Isol Jihovako gisik ra'na nanga ; maina uan gamko man'na nang'na bilko on'a " (Deut. 8 : 11—18).

Frederic W. Harding.

